

圭塘欵乃集

许有壬

文硕阁

wenshuoge.com

目录

关于我们	3
提要	5
圭塘欵乃集原序	6
圭塘欵乃集卷上	7
圭塘欵乃集卷下	28
圭塘欵乃集跋	46
圭塘欵乃集题诗	48
圭塘欵乃集跋	49

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

（臣）等谨案圭塘欸乃集二卷元许有壬及其弟有孚子桢倡和之诗也有壬至正集及圭塘小稿已别着録至正八年有壬既致仕归乃以赐金得康氏废园于相城之西菑池其中形如桓圭因以圭塘为名日携宾客子弟觴咏其间积成巨帙名之曰圭塘欸乃集共诗二百一十九首乐府六十六首中惟乐府十解为其客马熙所作余皆有壬有孚及桢之作既而桢如京师以其本示马熙熙复取而尽和之凡诗七十八首词八首别题曰圭塘补和附之于后其诗虽多一时适兴之作不必尽刻意求工而一门之中父子兄弟自相师友其风流文雅之盛犹有可以想见者焉集前有周伯琦序后有段天佑等八跋及赵恒陆焕然题诗各一首皆署至正庚寅辛卯甲辰丙午诸年惟未有洹濱一跋不着名字称此集江湖友人躬録装潢者二十八年南归展读外皆破碎兵后所存惟此本乃力疾补葺遗我子孙云云后题上章潁滩四月案上章潁滩为庚申岁实明洪武之十三年而丁文升跋内亦有从洹濱御史领归抄録语盖洹濱乃有孚别号而所谓江湖友人者即文升也

乾隆四十三年八月恭校上

总纂官（臣）纪昀（臣）陆锡熊（臣）孙士毅

总校官（臣）陆费墀

圭塘欸乃集原序

圭塘欸乃者御史中丞安阳许公与其季氏都司君可行其客马君明初及公之冢嗣国子上舍生桢闲居倡和之什也公谢事归相城于其第之西二里得康氏废园薙灌莽划榴翳廓然一新既又凿池其中袤广以步计者千余深八尺形如桓圭双洲右枕孤岛左峙夷堤縁焉回垣缭焉导渠西北时其泄阌直坤有崇台西山在肘腋间缮完旧亭胜槩方献道在其南梁于道之半池清见底鱼泼刺可数于是泛池有舟涉川有桥芙蕖杨柳枣栗桑榆梅榴桃杏苍松翠竹繁花丰草周于池之中外盖培植踰年而后成燠凉炎冻虽异候而生意源源娱目畅怀无时或间惟二古桧岿然乃康氏故物公既甚爱之时杖履携弟若子会宾友觴咏其间以池之占胜居多故以圭塘名而此唱彼和宫商递宣少长同驩主宾相忘一草一木品题不遗故名其篇集曰欸乃若渔歌互答然亦谦辞也都司君遂自为引裒为巨帙或传至京师伯琦得而尽阅之诗古律五七言二百一十九乐府六十六总之二百八十有五其中惟乐府十解马明初所作余皆公与弟若子一家所作也嘻何其盛哉惟贤人君子有济世之伟业者必有絶世之高致盖识见预定于胷中行藏一安于所遇蘊之丰则发之宏发之宏则蘊之者益丰矣古昔游赏之迹若东山若緑野若平泉若辋川龙门其境未尝不胜也或时有未偶或志有未遂或地非其乡至于子弟之才美皆不见称于世眉山苏氏一门词藻盛矣然用世未竟间關岭海莫年来归各谋侨居未闻有燕集游览之乐由是观之功名之际家庭之间有不得兼其美者多矣独安阳公以命世之贤际熙洽之运自处士时已负重望及居宰辅慨然以天下为已任迪德明谟培元气植善类正色立朝将三十年天下阴受其赐而不知也年方耳顺角巾东第坐对桑梓泊然韦布园林池亭泉石之胜既甲一方而棣萼芝兰之辉映又英发杰出玩造化于品物畅情性于彝伦家传户诵如获亲炙天下之美昔人之所未得者遂兼有之然非受于天者厚固不能以具诸美非造于道者深亦不能以一朝享也孔子曰精义入神以致用也利用安身以崇德也用被于人德尊于己乐行忧违无施不可非义精仁熟如吾安阳公者不足以与于此伯琦从公游非一日辱知最深故于圭塘之咏推本而言之使知公者求公于乐山乐水之间而不可与流连光景忘世徇情者论也谨书于欸乃篇什之端以见安阳公一门文物之盛至正十年岁在庚寅七月既望鄱阳周伯琦叙

圭塘欸乃集卷上

（元）许有壬等撰

买陂塘有孚

买陂塘旋栽杨柳诗翁急欲知务平生想象江湖意几度鸡鸣风雨鳧有渚直晚景桑榆才得烟霞屿先贤好语道鍾鼎山林神仙宰相从昔不同趣西池路天意而今都许佳人协律调吕浮沈愿入鸡豚社其奈香山佳句谁我酹又菊节相催先约修花谱犹今视古有洹水秋声林虑爽气壮观我西圃

买陂塘旋栽杨柳山中道士家务丰年城市秋偏好又近重阳风雨兰泛渚虽信美江山不似吾双屿孙儿学语说桑梓光阴松筠节操岁岁有驩趣沙堤路身退功成天许非熊梦断占吕但教阶下人如谢解道春池新句尊有酹更不说传家事业光吾谱衣冠尚古有双桧亭台万荷池沼安我邵平圃

买陂塘旋栽杨柳平章风月专务归来温树无人问但听四窗荷雨圆作渚准拟似神仙瀛海烟波屿凭阑独语笑元亮谋生秣多菊在惟识酒中趣东华路朝士从教推许庙堂议论如吕【谢学士序公文过集曰端承乏翰林亦尝得预庙堂大议公于事有不可辄危言极论画其后当何如莫道夷简不曾说来闻者为竦立】而今不说经纶话只办城西联句邻酒酹更乘兴相从香鼎并琴谱平生考古已散却黄金换回清福倚杖看为圃

买陂塘旋栽杨柳园亭尽有公务东山更理闲丝竹莫用苍生霖雨鸥鹭渚澹相对忘机不羡蓬瀛屿平生愿语便泉石膏肓烟霞痼疾始遂隐居趣邯郸路老我头颅如许黄粱何日逢吕斜川便是桃源洞千载归来辞句巾漉酹笑琴亦无弦何处求新谱茫茫万古任沧海桑田白衣苍狗不到老农圃

买陂塘旋栽杨柳闲人有此忙务平泉緑野吾无羡仅着一蓑烟雨舟泊渚更把钓观鱼宛在池中屿掀髯自语待月到天心风来水面笑领此时趣堤边路斲药邻翁相许阿蒙非复前吕西山如画花如锦专待公来寻句瓢挹酹听牧唱樵歌高下从无谱何须说古只待漏东华软尘千尺应不到兹圃

买陂塘旋栽杨柳佳人屡辍斋务扁舟荡漾亭深处堪避片云疎雨明月渚有仙子凌波解佩留芳屿园丁亦语道四美俱全二难巧遇杯酒易成趣升平相原与旌阳同许水云身世希吕归来却觅玄真子不和岳阳楼句斟桂酹怅瑶琴朱弦遗曲谁能谱谈今援古听无底诗囊有源诗派何必种芝圃

买陂塘旋栽杨柳不妨三月农务溪翁走报新痕涨昨夜西山雷雨将没渚有复道双洲缭绕通孤屿黄鹂对语正春色暄妍物华明媚好在浴沂趣天涯路芳草茫茫如许蛮笺难写心吕

碧云冉冉春波綠都是相思情句花共醕似梅与山矾臭味曾同谱堤阴树古要乱絮漫空柔条醕水慎勿折樊圃

买陂塘旋栽杨柳诗人何逊曹务水云乡里看云锦不羨落花红雨如顾渚脰鲜鲫银丝画舫萦回屿花娇欲语任潏潏荷觞淋漓宫锦痛饮是佳趣虚闲地更有图书如许坑灰追笑羸吕北窓一榻清风细读罢羲文章句姑置醕对避暑楼台名画宣和谱亭前桧古看黛色参天霜皮溜雨闲杀汉阴圃

买陂塘旋栽杨柳新来已见成务小山丛桂人如玉何用为云为雨懷北渚怅渺渺予懷目断游龙屿凭谁寄语正宋玉悲秋桓温种木妨我遠游趣西风劲一鶚横空何许匆匆月又南吕崇台迴出云霄表好是登高题句时载醕却不似香山泪落琵琶谱毋多让古有黄菊青松寒香晚节吾不负吾圃

买陂塘旋栽杨柳英雄颇识时务老臣正欲彰君赐未办万间风雨安石渚可无事争墩吾自安吾屿从人浪语且雪后观山鐙前飞蓋不动剡溪趣西湖梦却要扁舟来许何时命驾如吕对梅浑似苏堤上追和逋仙佳句茶当醕有佳客相过刻烛论诗谱因评近古自昼锦归来观鱼轩后谁更问园圃

可翁和

明初赋摸鱼子寿予既次其韵而可行和之成什衰病技痒亦足为十首

买陂塘旋栽杨柳归来先是此务他乡故里都休校旧雨不如今雨鸿在渚笑尔尚南飞吾已安孤屿黄花解语道人老宜秋身安耐酒此正有真趣銓坡路大手深慚燕许超腾又悖鍾吕但求闲澹如元亮却恨诗多奇句倾綠醕底须按乐天池上霓裳谱休论往古有三日重阳约君同醉老子筑西圃

买陂塘旋栽杨柳闲官宜治闲务老天助我攻清澹两月不遭泥雨规别渚更累土为山留土分为屿乡人共语叹百岁陔芜一朝疏凿此去日成趣江湖愿自是平生心许元英谁羨陈吕石渠细溜鸣琴筑清似我家诗句杯引醕便收拾松风写入丝桐谱区区学古愧窃禄无功投闲有分犹患不如圃

买陂塘旋栽杨柳年来于此承务凉台燠馆吾何有聊茈一时风雨洲映渚向一片烟波鼎峙嵯峨屿盘空硬语挽三峡词源千军笔阵不尽乐闲趣当年志为国微躯曾许青云仍际干吕从知弱步难胜重梦断九天牖句时饮醕趣四序栽花缀作园池谱长歌吊古怅安得良田茫茫万顷种玉辟玄圃

买陂塘旋栽杨柳田园忙胜官务放鱼种藕常无暇移竹又当新雨由近渚驾一叶扁舟时复还吾屿花香鸟语况心上无萦眼前多景弦外有琴趣尊罍小能费人间几许荷香惟欠仙吕

天光云影清难写尽日捻须无句池作醕要醉上通明传取钧天谱西山翠古任列壑争讥攢峰竦谄难及野人圃

买陂塘旋栽杨柳尘凡皆与停务半生醉梦人间世翻覆几回云雨归有渚似真到三山缥缈红云屿忘懷笑语任白鹭惊飞苍苔不扫去此便无趣斜川路宇宙茫茫何许绮园肯附诸吕悠然一见南山后便觉世多尘句持此醕论心事中间异姓还同谱迂疎好古因蓺菊栽松滋兰植蕙荒了种瓜圃

买陂塘旋栽杨柳散人不理他务柳栽近水应先緑底用等闲霖雨遵北渚看双桧蟠空倒影摇烟屿千言万语只今日投簪经年闭户便自得天趣真男子报国谁如张许论交仍负嵎吕我今但要闲陶写幸免镂章雕句村瓮醕此真是交梨火枣传家谱庭空树古有野鶴时来衡门不锁清彻地仙圃

买陂塘旋栽杨柳归农未免多务一亭四序饶风景且说夜来春雨香湿渚爱新柳依稀敷影连三屿黄鹂不语怕曲几团蒲坐忘未定惊破静中趣功名事却笑平生自许谁调阳律阴吕而今且向东君问旧句岂如新句开腊醕要醉唤石湖重缉寒梅谱荣枯自古趣九十韶华六旬余力终日醉吾圃

买陂塘旋栽杨柳清风净扫尘务柳阴已见疎成密又听緑荷敲雨鸥戏渚奈倏尔翻飞飞过崔嵬屿形神自语岂世事相縈机心未息物我不同趣池亭小收敛风烟来许渔歌何愧鍾吕水纹瓦影相娱悦高咏退之佳句荷酌醕有一曲沧浪不犯人间谱悠悠振古问谁似吾侪攻迂习淡为水废场圃

买陂塘旋栽杨柳眼中已办归务柳成修干莲成实均沐老天恩雨怜小渚敢气象侵陵海上神仙屿神仙有语任涓滴蹄涔茫洋鲸浪各自适归趣星星鬓镜里衰容如许西风又动商吕九原宋玉悲何及付与短歌长句瓢泛醕纵不到箕山也是曾通谱希贤信古看昼锦堂前霜天老月千载照韩圃

买陂塘旋栽杨柳田家小小成务一年清景君须记大胜草烟花雨冰泐渚把一片玻璃围护琼瑶屿钩帘独语是天富贫家地输清供种种出奇趣桑榆乐造物而今已许一竿自昔归吕圭塘欸乃烟波曲却属腐儒章句尊有醕是波若神汤世与诗同谱谁能复古且池上观梅炉中煨芋灯下治书圃

明初和【并序】

中执法安阳公初度之辰熙赋乐府为寿以买陂塘旋栽杨柳为首句为新得园池成公志也公泊可行都司各和二首桢和二首既而可行董浚筑之役竣事复八赓韵公亦如之愈出而愈奇有本者如是夫公命熙复赓而鼃技穷矣搜枯得九首并倡为十阕谨録以呈伏希指教

买陂塘旋栽杨柳参知緑野机务春花秋月冬宜雪夏有芰荷风雨亭北渚更倚棹观鱼时憩
东西屿掀髯自语任黄阁丝纶彤庭剑履未换涉园趣 人间世多少高眠巢许勲庸终愧伊吕
得闲宰相方为贵谁识山中诗句觴玉醕看老鹤蹁跹舞入南飞谱清风万古是旧隐晞韩新
堂醉白香满菊花圃

买陂塘旋栽杨柳参知老圃机务宰臣得请归田里从旱忽逢甘雨怀鄂渚怅黄鹤楼前鹦鹉
翔烟屿骚魂可语奈信美江山无穷湖海难得故乡趣 西园地天意昔年曾许坝簾近协音吕
筑台浚沼方竣事更办雪儿佳句仍酌醕为祷尔三家恐有治园谱今吾胜古问孟氏芳邻向
时康乐何似束之圃

买陂塘旋栽杨柳参知圭沼机务石渠■〈彡 號〉■〈彡 號〉鸣西北不用九天瓢雨鱼在
渚又戏藻翻荷遶遍方圆屿鱼如解语道惠子忘言庄周忘象岂识水中趣 寒泉上云影天光
如许高谈曾会朱吕此中尽有源头水添我感怀新句姑却醕便合着叶嘉百世云仍谱心源
汲古任智井无波方塘好在余润及蔬圃

买陂塘旋栽杨柳参知三岛机务方壶圆峤千夫力挥汗已能成雨鳧立渚看两两胎禽俯伏
红云屿忘机对语尽较短量长昨非今是未害老仙趣 山中计长史讵能羈许胡涂政合晞吕
交梨火枣如緘惠何必云林摘句鉶罄醕问玉醴金浆通我仙宗谱尝闻往古说舟近蓬莱风
犹引去何处觅县圃

买陂塘旋栽杨柳参知渔艇机务巨川冒涉风波险此际缆烟维雨朝泊渚到日落苍波移傍
寒梅屿翠禽无语甚雪意方深月明空载独棹始成趣 銓坡梦年少纷纷权许科名更欲侔吕
桃花浪暖多肥鰪不识緑蓑词句常载醕岂特与笔床茶灶联文谱闲忙今古是世上何人渊明
日涉董子不窥圃

买陂塘旋栽杨柳池亭检校公务团茅时复羲皇上惊梦每劳窓雨东望渚却不似西偏略约
连双屿于时语语待柳色环堤荷香入座方足倚阑趣 园丁慙直把廉名自许端如司马家吕
十千护得檐前桧莫咏蛰龙奇句谁酌醕试共看东皋五斗先生谱明当仿古要渠列箕畴
县羲画学取晦翁圃

买陂塘旋栽杨柳平堤检校公务近来不用新沙筑屐齿要深苔雨兰艺渚植桂树团团宛在
池中屿堤应怨语只有恨柔条无情飞絮日与我同趣 周垣下杖策已蒙神许醴瓜何用懷吕
丈夫志不期温饱愧尔碧纱笼句行且酌听弦索迎风吹入新翻谱由今视古对草绿西湖裙
腰一道端合让西圃

买陂塘旋栽杨柳飞桥检校公务当年题柱非无意借用墨池玄雨沱共渚早有路潜通海上
三神屿归来笑语便玉蟾横空金鲈跨海安有野亭趣 裴中令别墅相师惟许倡酬声应鍾吕
若教子午成丁卯容得老渔寻句忙唤醕好淨洗穷愁却与论诗谱西风道古我欲系匏瓜匏
瓜何在缙氏已无圃

买陂塘旋栽杨柳崇台检校公务西山逴献千岩壑总解蓄云藏雨临浅渚更俯视银涛万顷
摇孤屿姮娥寄语约静影浮光浴金沉璧方领眺蟾趣登临地休逸主人先许买邻邀我从吕
黄金铸作千钱贺不及无声新句■〈夷斗〉绿醕甚欲把园亭草木随时谱歌幽验古看祭
韭条桑薪樗剥枣纳稼筑场圃

买陂塘旋栽杨柳梦中还理家务十年不到衡山麓孤负楚云湘雨苹映渚渺杜若江蓠香接
烟霞屿口心相语为蝇骥东西云龙上下误却钓游趣生平志愿识平舆二许煌煌岳降申吕
斐词敬为先生寿博得月章星句毋我醕只小草幽兰心醉离骚谱松存径古待游遍西园荷
锄归去吾亦爱吾圃

楨和

买陂塘旋栽杨柳求田专理农务扁舟来往烟波里青箬绿蓑风雨时泛渚把逴岫遥岑收拾
来孤屿黄花解语道凤阁鸾台黄尘乌帽争似醉乡趣洄溪上道士而今惟许非熊梦断姜吕
水声山色相萦绕涌出笔端新句斟桂醕听万籁笙竽一派仙家谱休论往古向种菊篱边观
鱼轩外晚节有秋圃

买陂塘旋栽杨柳闲人忙过曹务山翁溪友来相贺昨夜应时甘雨舟泛渚有茶灶相从同过
东西屿鸥边自语是午梦初回余醒未解七椀得真趣神仙事云海茫茫何许何人岩下逢吕
诗家却有还丹诀万景点成奇句公自醕且山水徜徉莫考飞升谱悠悠万古看一片烟霞四
时风物吾圃即玄圃

圭塘杂咏【并序】有孚

圭塘亭台浚筑之役经始及落成有孚实皆与闻吾兄时一来游虽乘兴忘返而芳春长夏秋
晴冬燠有孚独得赏玩竟日不敢孤兄之赐谨取日所为事各成小诗题曰圭塘杂咏用发长
者一笑塘之可咏者不止此又当别撰拜呈

作乐导水

一部香山池上乐等闲谁遣到圭塘水声更比乐声好鸣玉漱云来未央

携妓落成【郡守朱舜咨治具率寮友来贺喜甚大醉而归】

皂盖朱幡寮友随池亭终宴不知疲笑扶红袖山翁醉宁问街头拍手儿

柳下听莺

阴阴烟翠足潜身其奈娇喉百啭新却忆当年闾阖晓恩袍光照上林春【登第日唱名西宫

密迹上林尝闻莺也】

舟中对鹭

风标公子雪衣裳来把莲池野景妆鼓浪鸣桡不惊去主人机事久相忘

荷觞酌酒

珍珠红贮碧琉璃故摘新荷代酒卮看取持盈旧时手肯教宫锦笑淋漓

蕉叶题诗

绿映书窗两树蕉兴来得句就挥毫何时更草闲居赋却笑街头纸价高

荷净纳凉

晚来池上据胡床荷叶荷花远益香不待轻风来鼻观一襟烦暑自清凉

开窗看雨

白雨跳珠响翠荷秋声刚比夜来多天公不破为霖手卷地狂风可奈何【时大旱连日雨作皆被风吹散】

松阴独钓

满地松阴草似茵渔竿聊复乐吾真无端凡子忽相过便说严滩与渭滨

与客泛舟

青帘画舫木兰桡佳客来游不待招莫话济川当日事且乘明月听吹箫

日夕观山

晚晴台上看巉巖万壑千峰起翠岚恰似云间招五老今宵有梦定江南

西堤晚眺

云影天光隔小桥一亭如翼水周遭东隅不似西堤好日照平林古塔高

雨中移竹

琅玕新綠滿亭台雨雨風風手自栽玉立明年看新笋凌云会使鳳凰來

月下觀梅

月照新堤水見沙暗香浮處影橫斜詩人同愛多成僻不獨西湖處士家

倚檻觀魚

魚我相忘樂可知漆園仙老不吾欺眼前無限濠梁興獨詠鄉賢石刻詩【魏公有觀魚軒詩石刻】

邊堤種菊

酒熟同招隱士看飢來忍把落英餐春風無限閑桃李不似黃花耐歲寒

竹間開徑

陰分老翠濕分苔洞府通幽一徑開底用三三煩杖屨此中風月足徘徊

水口聽琴

潺潺石溜最宜琴悵望佳人勞我心誰識淵明琴外趣只愁流水負知音

獨坐投壺

小童傳箭侍投壺勝負無爭祇自娛四面芙蓉風日美絕勝客舍夜呼盧

登台縱目

白雲飛處太行低遠近川原望眼迷西北蒼煙護喬木佳城郁郁是洹溪

調白蓮始花

素娥乘月下瑤台翠羽霓旌次第開宴罷渚宮歸去晚玉杯遺在碧雲堆

調木芙蓉不花

堤上芙蓉池内莲要看水月斗清妍云舒霞卷知何在目断秋江思黯然

调湖石

崭然山立势巍巍巉岫封苔碧带绯幸免秦家鞭叱苦从教云去笑无衣

听筝

雁柱参差银甲轻水亭虚敞助弦声从知不似南熏谱且向尊前解宿醒

可翁和

洄溪滚滚源头活分得支流入小塘怪底凝云吹不散管弦声满水中央 作乐导水

一竿才空一曲随胼胝今日顿忘疲年来怀抱须陶写敢笑长安众富儿 携妓落成

万条金缕袅长身勾引迁乔语意新休向建章夸百啖陶家门径有余春 柳下听莺

禅定联拳敛素裳岂知船上载红妆主人有约君毋忽多少鱼儿要汝忘 舟中对鹭

野人饮具谢玻瓈自有天然软玉卮荡漾翠涛擎不定有人谋笑纵淋漓 荷觞酌酒

骚乡缣楮寓芭蕉翠莹尤宜运紫毫风致于诗真有助卯君才调况清高 蕉叶题诗

柳阴多处着方床万柄无尘各有香危坐悠然受清供风声撼撼更秋凉 荷净纳凉

霎时清响闹新荷其奈龙公不肯多窗外风光吾不校四郊禾黍定如何 开窓看雨

半世京华困鼎茵高风时复梦玄真可怜縁木求鱼者今日君其问水滨 松阴独钓

欸乃声中动画桡不烦舟子更相招而今赤壁荒寒里试问何人有洞箫 与客泛舟

林虑千仞翠岩岩罨画工夫在莫岚徙倚崇台观未足红轮西北月东南 日夕观山

小亭何用赤阑桥细柳新荷緑四遭落日胡床更东望碧天如水月轮高 西堤晚眺

山人聚景作池台移得龙孙带雨栽顷刻云间晴日上便教阴过酒尊来 雨中移竹

空明云水碧摇纱疎影尤宜竹外斜为我殷勤谢伦父莫疑繁李玉川家 月下观梅

鱼乐江湖自不知非鱼非我敢相欺
卮言我不如庄惠终日观鱼只有诗
倚檻观鱼纷纷红紫厌相看
老境才将蔗倒餐不向四堤皆种菊
风霜谁与共高寒 遶堤种菊
翠寒深处斲苍苔香雾霏霏晚自开
从此一筇双不借寻诗迎客几盘徊
竹间开径幽栖长物一张琴
时对清流自写心老子兴阑童子去
月明县溜有遗音 水口听琴
緑阴清昼矢鸣壶庆马何烦用酒娱
有主无宾聊一笑却呼童仆煮皋卢
独坐投壶老眼常疑万象低
凭高遠景更凄迷只从此地观吾圃
便觉江湖是小溪 登台纵目
仙姿皎洁映圆台真见凌波恣意开
却是圭塘宜产汝朝阳东照玉成堆
调白莲南土风宜陆地莲移根培植
不能妍世间从絶司花手却道殷韩
是偶然 调木芙蓉不花一卷千古碧
崔嵬阅尽人间紫与绯老子未能兄
事汝醉来聊用挂絺衣 调湖石
冰弦轰烈倚歌轻弦外无声却有声
我自忘情聊过耳几人闻此发狂醒
听箏

楨和

清泉百折来西麓逺逐笙歌汇一塘
从此主人多乐事源源如水共无央
作乐导水郡寮飞蓋逺追随觴咏临
流肯厌疲一任东山多汉妓夏家元
是木肠儿 携妓落成声似笙簧金满
身飞来应爱柳条新遥知惊破幽人梦
才信吾园有好春 柳下听莺泛舟逃
暑谢冠裳爱尔萧然水国妆一缕风丝
忽飞去眼前有句不能忘 舟中对鹭
软香谁琢碧玻璃捧掬兢兢强作卮
竟日罚多诗不就墨痕少似酒淋漓
荷觴酌酒当年懷素种芭蕉髡却中山
几兔豪偶得青罗游戏耳秋风攀桂仰
天高 蕉叶题诗水云乡里一藜床
万緑亭亭晚更香地胜境清烦暑尽
更教渔笛弄初凉 荷净纳凉纷纷银
箭射新荷添得陂塘景物多回首林
虑真水墨一窓其奈万山何 开窓看
雨龙蛇影里藉莎茵一线清风画不
真眼底得鱼鲜可食山巔何似水之濱
松阴独钓

忘形谈笑任停桡邂逅宁烦折简招我欲扣舷谁我和吾舟有客却无箫 与客泛舟
亭西咫尺耸千岩清气侵袭涌碧岚红日欲沈山更好从他快捷方式在终南 日夕观山
闻说平泉与午桥兴衰自与世相遭柳堤虽比沙堤小莫景相从此最高 西堤晚眺
踏泥穿径接崇台斲破苍苔特地栽我得此君心事了从今俗客不须来 雨中移竹
老树清溪映白沙可人竹外一枝斜黄昏信步前村去香到松林卖酒家 月下观梅
濠梁乐意几人知鱼自知鱼肯自欺莫说银丝鲜鲫脍波神应怪杜陵诗 倚槛观鱼
东篱畴昔笑相看培植今非为夕餐但与此堤同晚节九天霜露任清寒 遶堤种菊
翠阴穿漏地无苔凉气疏通一径开要与此君常接迹杖藜初不厌纡徊 竹间开径
琮琤鸣玉已如琴更拂水弦为洗心我识子期千古意直教流水有余音 水口听琴
消闲偶尔得全壶心手相忘亦可娱窗外山禽忽惊起握筹因得笑胡卢 独坐投壶
碧云冉冉雁行低望断郊原思欲迷隐隐玉龙飞舞处却知流派是前溪 登台纵目
水仙拭面出妆台渚雾汀烟拨不开愧尔多情慰贫索满池融作烂银堆 调白莲
橘不逾淮况木莲尔居非地敢争妍江南八月花如锦却是天机出自然 调木芙蓉不花
纷纷卉木簇巍峨柳亦拖蓝枣亦绯独尔坚顽无用处只从烟雨老苔衣 调湖石
弦风清入玉纤轻翻作云间鸾凤声不用捋须兴感慨且图醒却一朝醒 听箏
酒间得口号廿八字可翁
卯君为我凿圭塘荆棘化为云水乡昨夜荷香新雨过一年劳费尽销忘
有孚和
桧影蟠空荷满塘锦乡还胜五云乡须臾一曲棹歌起四座清风暑亦忘
桢和

柳阴荷气满池塘好景天留在老乡翁自无心聊复尔谁教鱼鸟亦相忘

侍饮圭塘赋律诗并和韵二首桢

人间何地不骄阳今日池亭愿始偿四面绿杨笼碧藓一池翠盖拥红妆松摇天外风声细竹引窗间雨气香莫问为霖苏大旱醉眠且得一宵凉

习池自合醉高阳酒债从今未易偿花白好从陶令社冠金休羡蜀宫妆雨声泻出九天谱荷气锤成百和香头上黑云真有意要催诗句助清凉

翁用桢韵二首

城西风物擅安阳乡社而今债已偿自笑衣冠成野逸更从花柳看时妆酒沾松露涓涓冷诗入荷风字字香莫道年来无事业等闲成就一天凉

半畝方塘学紫阳道心未莹赏心偿蝶飞已悟三生梦莲褪犹存半面妆四座宾朋连日醉一朝风雨满城香人间政尔愁炎暑谁信吾亭有许凉

叔和桢韵【并序】

至正己丑岁相城春夏不雨旱既甚六月廿九日始雨入夜沾足吾兄乘輿挈壻侄来圭塘纵观乐甚犹子桢具饌且有诗兄谓有孚曰诗虽不高其意可取遂走笔答之有孚亦技痒弗禁依韵得四首兄载赓之桢亦自和共八章觴咏间作于荷声树色中不谓此身之在尘世也时东平孟彦超来尹安阳方走神祠致恳祷甘澍适应尤可喜也故并及之

水云身世本纯阳入座仍教宿债偿且对风光留客饮谁教雪景待人妆芭蕉题字诗偏好荷叶为杯酒亦香却笑纷纷轻薄手等闲翻覆变炎凉

阶下戎葵识向阳平生心事未全偿池边风雨生秋意林下衣冠称道妆三径不荒松菊茂一亭浑贮芰荷香仙翁命驾来听雨未许北窗专此凉

买得园亭位面阳百年心事一时偿风吹杨柳回鸾舞雨浥芙蓉堕马妆相下未成真率会洛中空记姓名香当时太液池边宴不信人间六月凉【辛巳之夏吾兄以左辖被命留京师遵故事率留守臣登广寒殿视罇漏适御酒至恭宴池上有长句故及之】

炎光咫尺又秋阳生意才将一雨偿学圃幽人乘逸兴凌波仙子竞新妆三生不负林塘梦满座惊闻翰墨香为语安阳新令尹麀氓先荷此宵凉

太常引四首【七月十九日赋】可翁

圭塘种藕已多时贴水晓星稀生意一朝回便万柄红酣绿欹
连宵骤雨透空繁响清绝不容诗对景写襟期要无愧■〈氏鸟〉夷子皮

幽人早起赴池亭看初日照娉婷风葢露珠倾又胜似前时雨声
水沈乡里锦云深处双桧插天青一叶钓舟轻似野渡无人自横

四堤杨柳接松筠香破水芝新罗袜不生尘笑书里凌波未真
红云缥缈清风萧飒半醉岸乌巾不是葛天民也做得江湖散人

云舒霞卷万妆浓倒影水天红池转小台东又一种娟娟玉容
仙肌绰约奇芬清逴摇动水晶宫一笑对衰翁好同赴庐山社中

有孚和

藕花无数半开时池上客来稀杖履独徘徊忽翠葢因风尽欹
天工妆景水神输供陶写费新诗身外杳难期笑士价才堪五皮

绿衣持节拥亭亭玉立万娉婷一见寸心倾任诗画无声有声
新篁摇葆苍松张葢山色入帘青云淡午风轻看树影西窗又横

水文湘簟织霜筠座客句清新何物是红尘更着个渔舟写真
赵公琴鹤谢家丝竹漉酒又陶巾不独太平民好凤阁鸾坡旧人

靓妆仙子谢纤秾独立水云红绰约画阑东似姑射冰肌雪容
翠盘承月玉杯擎露粲粲蕊珠宫真赏有邻翁尽添入霓裳曲中

桢和

池亭荷净纳凉时四面柳依稀棹得酒船回看风里纱巾半欹
残霞照水夕阳明树天付画中诗应不负归期更谁看桃花面皮

西池池上好新亭红翠斗娉婷翠葢几番倾听水上红妆笑声
归来乡社不关尘事活计问樵青世事一毫轻看西岭秦云暮横

藕花香里有丛筠照水绿梢新清洁出风尘似特与幽人写真
门无俗客地多清兴羽扇白纶巾甘作太平民敢自谓羲皇上人

淡妆素服更纤秾清致不须红伫自书桥东一扫尽人间冶容
麻姑何在嫦娥昨夜飞出广寒宫天亦为诗翁把好景都移此中

圭塘独坐赋四律可翁

我作圭塘未及年眼中生意浩无边三秋未半荷沃若一日不来心欲然自古人生求适意只今先务是归田管弦何似埙篪韵此去新诗几百篇

西郭园亭近市廛市廛虽近足风烟陶家事业惟栽柳周子襟怀托爱莲莫向人间为白眼试从水面照华颠悠悠千古沧浪意时上扁舟自扣舷

我屋来西圃轮蹄二里遥晚风收菡萏秋雨长芭蕉有酒容开口无官免折腰柴门莫紧闭恐负野人招

地僻心逾远诗多意转长阴森穿竹径甘脆剥莲房鱼长已堪钓醅香先自尝敢言夸昼锦聊复此圭塘

有孚和

天与安闲未老年杖藜无日不池边古存两桧待真赏瑞毓双莲非偶然但要遶篱皆有菊从教负郭却无田和陶未尽登临兴更诵南华内外篇

池上新亭仅一廛池中风物饱云烟底须太华峰头藕且对匡庐山下莲饮酒有时如白醉挥毫无用效张颠扁舟尽日横秋水客至何因暝戛舷

小酌西堤上松阴曲径遥竹金摇翡翠杯玉碾芭蕉雨急添池面舟闲缆树腰懒书无折简佳客不须招

林泉风景别山色与云长酒友招元亮仙游忆子房鲙鲜银细缕粳熟雪初尝自愧无佳句其如负此塘

桢和

一束辛勤四十年神功收敛老溪边高牙大纛皆□尔野服黄冠任自然但得醒心多胜槩肯因餬口望良田圭塘此去无他事与客日谈秋水篇

甘作村氓受一廛林塘花竹隔人烟四围水色涵秋色一片红莲间白莲倦矣且归从所好老来虽醉不成颠采菱有曲声清越不觉频敲画舫舷

日涉宜成趣行行不惮遥世涂纡百折心事付三蕉日射花明脸风来柳折腰水云深处好舟子又相招

事去心犹在闲来日更长愿治韩相圃谁羨赞公房萧散今方得艰难昔备尝天公知此意返照媚横塘

漫书可翁

谁谓予多蹇年来尽遂心作池通活水栽竹植连阴景物源源出门壙步步深从知非大隐有此小山林

有孚和

生意观池上天其慰我心瑞莲开并蒂新柳作繁阴题品诗方进栽培岁未深当年朝市梦曾到此云林

桢和

构筑非观美幽栖要赏心芰荷宜晚色松竹共清阴风物四时好烟波几许深白莲开烂漫谁复忆东林

有舟可翁

有舟维老树欲动恐伤莲遂使成虚器何由济大川锦云香捧拥烟月澹流连泛泛行无碍霜清八月天

有孚和

忆昨为舟日初非为采莲衣冠懷赤壁泉石问伊川涉险平生屡投闲几月连浮生身世似行止敢违天

桢和

画舫将焉用圭塘为看莲不教横野渡且免涉长川荷碍行还止萍开断复连乘槎如有路相伴去朝天

大雨两昼夜僅报墙仆而竹甚茂喜成口号可翁

一夜银河泻欲干桑田几似海漫漫岸颓墙仆吾无憾栽活苍筤数百竿

有孚和

水溢仍须虑旱干此君生意始澶漫朝来喜造菁菁径其奈平原水数竿

桢和

逐妇鸣鸠叫欲干雨声长夜共漫漫已添方沼水三尺洗出穿云玉万竿

雨后观竹乃有堙垫摧折者数丛因用前韵可翁

忆昨移栽怕雨干岂期平地水弥漫此君于我真无负摧折犹堪作钓竿

有孚和

后土泥深苦未干幽人无寐夜漫漫此君摧折真堪惜赖有红霓尚可竿

桢和

从来植物怕枯干平地谁教水尽漫丛筱岩墙偶然耳钓鳌吾自有长竿

新秋即事可翁

莫踏苍苔破茨门昼亦闌林风秋入树波日晚摇山原野苍茫外烟霏指顾间更须安一榻月夜不须还

有孚和

池亭残暑去乐事日相闌径列霜前菊窓招雨后山好诗来枕上爽气满人间极目崇台晚遥天一鹤还

桢和

西园无俗客尽日掩柴闌柳岸行观水松窓卧看山功名付身外天地寄杯间目送行云去翩翾倦鸟还

秋阴可翁

秋阴宜沼上薜翠不曾干听雨朝欹枕观云莫倚阑地寛人自在松茂竹平安天遂闲中乐年丰酒不难

有孚和

雨上云犹密尊空砚不干郊原谁植杖台榭我凭阑景以人增胜闲知梦益安赋诗因调笑倚和姜才难

桢和

水面波纹定堤傍土脉干清风双鼓棹薄暮一凭阑绿野思裴度东山访谢安及辰行乐尔世路任艰难

渔家傲四首歌圭塘四时也可翁

冰尽泉香云缥缈韶华隐隐浮林杪酒在葫芦鱼在沼清昼悄好音时复来黄鸟管领风光心未老衰颜却怕清波照有酒可斟鱼可钓能事了东风一曲渔家傲

窻影修篁摇翠葆墙阴幽径连芳草蓦地雨来荷叶闹香更好乱烟浮动红云岛穉柳千条丝袅袅柳边宜着兰舟小世态纷纷何足校收桂棹乌乌且和渔家傲

露洗璇穹青杳杳年光红入滩头蓼翠葢撑烟吹半倒霜信早一奁寒影磨清晓早是轩扉尘不到好山更与供登眺酒债渐多诗债少翻水调西风几送渔家傲

落日崇台寒力峭登临恰似寻安道有竹何人能径造吾不谄相逢要遂掀髯笑双桧凌空龙夭矫有知定讶人枯槁珍重岁寒冰雪操君自簪老夫且唱渔家傲

有孚和

莫讶圭塘春缥缈要知生意从冬杪柳动长堤水泮沼庭院悄旧巢又见来玄鸟九十韶华容易老镜中勋业惭频照招饮便须忙罢钓休醉了东君要听渔家傲

浓绿园林光莫葆诗翁只爱窻前草骤雨才过蜗父闹亭馆好日长人在蓬莱岛风度新松声袅袅酒酣却笑瀛洲小柳外荷边休计较皆可棹采莲人和渔家傲

云外宾鸿声渐杳羈人听罢如尝蓼我对清尊时复倒风露早黄鸡果是能催晓莲褪残红凉乍到水天一色供游眺短笛悲秋知者少吹别调新翻商意渔家傲

雪后西山崖壁峭奇观难与他人道煨芋有炉无客造从壑逡巡檐且索梅花笑冷蕊疎花开矫矫水村妆点霜林槁頼有此君同节操成二竇浅斟低唱渔家傲

桢和

青入西山烟渺渺天机只在菰蒲杪风解冰渐融小沼人静悄一声何处啼山鸟

杖策寻芳逢野老草芽柳眼明残照归到圭塘还独钓心事了箫声暖渔家傲

众绿初生如羽葆池光摇漾连汀草红杏已无春意闹风致好水中三屿如三岛
荷叶如钱蒲袅袅石渠静听泉声小从此圭塘时检校停短棹柳阴高唱渔家傲

鸿雁翩翩云路杳芦花如雪迷红蓼荷花不禁风雨倒秋意早诗怀清似霜天晓
独掩柴扉谁得到高台日暮宜瞻眺清致日多尘事少歌古调新声移入渔家傲

万木凋零岩壑峭一机消长观天道松竹园亭时一造谁敢诮敲冰煮茗供谈笑
自负平生心矫矫三间何事形容槁琴到无弦谁与操怀我賁相逢且赋渔家傲

瑞莲歌【并序】有孚

圭塘落成之明年七月既望吾兄中丞公与客小集塘西南双洲前产瑞莲骈花亭亭异蒂同
跗殆阴阳和气鍾为祯祥天以慰老臣锡眉寿而昌子孙也惟公高科起家致位丞弼赞化机
培善类三十年矣谢事来归田不足供伏腊而林塘栽植竭力资之盖欲静观四时生意之妙
与造物者游而积善余庆吉事有祥嘉瑞之见理亦宜哉有司欲以上闻公退然不居而好事
者绘为图矣有孚退而阅史唐开元至宋绍兴四百年间仅□十七八见表笺歌颂逢涌沓作
虽不奏祥瑞乃公素心然游泳至和咏歌太平不可无也乃为之歌曰

圭塘活水分清洄主人嗜好同先贤莲根培植未逾岁孰谓一旦生嘉莲初疑霞脸影附鉴又
似絳帙丫分鬟幻成彩凤翼自比琢开香玉环仍连李唐以来具图表赵宋奏贺尤骈阗我元
圣德极涵育瑞应只许书有年尝思至正辛巳夏吾兄实握纲辖权广寒殿下太液池亭亭并
蒂熏风前守臣有请愿驰献独以义折烦便便归来对此蹄涔水肯将异卉夸里廛吾乡自昔
号多士诸君巨笔如修椽金言此是闾里荣歌诗倏与图俱传身闲意适物□寓园林何必皆
平泉天公端为表余庆庆绪日与丝绵绵莲房有子风味好不待食藕沈痼愿言七泽均此
瑞主人福寿方如川

可翁和

相攸西郭瀕吾洄老病宜退非遗贤平生窃慕君子德池上种竹池中莲莲兮何独出奇异联
房蕊簇金丝鬟二姝同体面目别七泽移种根株连书祥史籍见歷歷走观士女来阗阗人言
培植从方盛一泓疏凿未及年自知不作骇俗事兹焉谁握生发权形容敢胜周子说胚腓又
在太极前亭亭照影欲轻举凌波微步俱清便倦游梦不到玉井归来老屋安一廛小池偶尔
薶芜秽池上敞亭才数椽酒从邻贳已多债诗取意适谁令传天公特与慰岑寂嘉瑞涌出如
源泉外君有唱阿买和僮歌况复清且绵拟为表颂僭归美奈此懒痼谁能痊予心真乐更多
有傍花随柳在前川

桢和

太行山下溪名洹洹溪主人今得贤石渠分溜入方沼种出万柄红白莲就中一茄发挺特艳
妆双出云髻髻有如二女降妨衲翠裙红袖相牵连岐分骇目未信宿里传□耳何喧阗波神
有为献嘉瑞要并太史书丰年主人谦德不敢有福善自是天行权亭亭植立万花表可人适
在亭之前日酣欲语转娇姹风动似舞尤轻便一时图写溢纨素十日车马空市廛昔闻冀英
曾表异乃因土阶与采椽景星凤鸟岂常有考信前史真宣传醴湖芜塞不复见而今乃濯圭
塘泉祯祥奕叶定不断藕丝万缕相纏绵幽人到此自怡悦膏肓泉石尤难痊要须纪录入郡
乘千年增重吾山川

侍兄池上对景书懷【闰七月二日】有孚

天机寒燠自潜通残暑何劳用力攻万柄荷声秋雨里一窓山色夕阳中初心人未慚青史晚
节兄当访赤松岁月等闲成老大池亭何幸日从公

可翁和

■〈舟光〉船时泛一桥通诗垒谁能四面攻官业向来慚柱下仙游随处是壶中风声细细
来双桧波影澄澄见七松笑傲沧洲人老矣功名付与黑头公

桢和

平生心事负清通得失何须较面攻人道神仙游海上天教宰相住山中四方旧植多桃李三
径新开满菊松野老从教争席坐不须床下拜龐公

睡起偶成二絕有孚

清风枕簟水云乡梦觉槐根百虑忘起课山童笑多事饲鱼跟藕摘莲房

松竹平堤饭后行眼前幽事总關情忘机鱼亦如鸥鹭能识溪童扣檻声

可翁和

衰病天教遠帝乡君恩一饭詎能忘但愁今日人轻议世有赤松无子房

舍则宜藏用则行圣人于世岂无情强颜欲鼓齐门瑟何似圭塘欸乃声

桢和

乞得西园作醉乡浮生俗务总相忘水云清彻荷香里小艇虚明似洞房

赋诗舒啸杖藜行水色山光不世情醉卧午窗谁唤醒柳阴啼鸟两三声

即事有孚

理檻存茶灶维舟过酒缸水光浮北栋花影在西窗行乐时休失高飞气未降相看终不厌庭
桧拂云双

可翁和

秣田秋半熟香入小磁缸霜水清浮簟烟岚翠可窓酒添诗癖重茶战睡魔降笑问登山屐吾
生费几双

桢和

映水花明树浮香酒满缸上书辞北阙寄傲倚南窓处世心无慊论文敌已降圭塘有溪友国
士任无双

圭塘雨后督修堰归坐嘉莲亭有感【十一日】有孚

睠此三洲水功输一岁勤阴留西圃树清度北溪云花竹环堤上亭台错水濱每劳宾载酒时
与客论文值雨天相戏修防事又殷潢流谁纪极岸塌我厓垠水底升船子泥中出此君庀徒
纷畚鍤竣事几朝曛汲汲同援溺憧憧剧拯焚感时空付恨对酒岂图醺轻薄云中手艰难镜
里勲学方知有道境已入无闻觅句期灵运攻书拟右军杖从乡老植席许野人分调燮功攸
属浮沈意不羣归来理绡帙剔蠹拾香芸

可翁和

懒是平生癖归田始克勤灌园时汲井学稼晓耕云窓取山千迭舟巡沼四濱倦游当税驾勇
退免移文谁识予心乐都忘俗务殷圭塘清见底银海浩无垠潦倒惟营口迂疎愧致君天开
方外境尘见隙中曛酒欲连宵饮膏须继晷焚读书嗟坐废娱老却宜醺园绮知高祖巢由负
放勲至人先大节余事及多闻诗少慚工部鞋多笑领军郊原谏岁计风露逼秋分且曳泥中
尾休空冀北羣崇台还一上万物正芸芸

桢和

山人新学圃要慰一生勤方沼瀦清水平田种白云红莲迷水面青草乱溪濱有客须沽酒无
钱每鬻文山中縁已定池上事徒殷小艇通三岛新诗动八垠轻风宜桂棹鸣溜合桐君净室
凝炉篆斜窓映隙曛荷杯方适用芰制莫轻焚欲发诗书藴仍须曲蘖醺尽修闲事业休论旧
功勲流水心无竞蝇声耳不闻迹追裴相国诗拟鲍参军天宇云无碍溪桥路细分寒梅在花

部野鹤暂鸡羣万卷书无恙收藏更种芸

乡友具宴漫成【十三日】有孚

乐意相關好鸟鸣可怜歌舞漫多情日斜山气如云气风急松声似雨声落魄不违乡社饮栖迟须结岁寒盟圭塘活水清如许不独沧浪好濯缨

可翁和

相望不隔一牛鸣尊俎过从见至情荷露清涵芳酒气松云寒遏艳歌声高车驷马初无意白酒黄鸡旧有盟醉脱乌纱从露顶絶胜前日缚尘缨

桢和

不平常欲以诗鸣诗友还能识此情一座笑谈皆有道满前图画岂无声鸡豚已遂联乡社鸥鹭何妨缔旧盟却笑终军苦多事不攻经籍请长缨

侍兄赴圭塘有孚

时出西门履信坊望中杨柳是圭塘轩车每被儿童识风物能令杖履忙山客荷囊多草药溪人抄纸满邻墙年来颇识幽栖乐愈觉林泉兴味长

可翁和

卜筑何如履道坊千红万绿浸银塘要回衰境为全盛却使闲人号最忙活水清围容膝屋新篁高出及肩墙烟霞遮断尘埃路才觉山林白昼长

桢和

清晨走马碧鸡坊点检西园数畝塘花柳前川成自乐轮蹄终日为谁忙钓鱼岸口迎新水沽酒邻家过短墙半醉莫催翁命驾月明松影引杯长

嘉莲亭宴罢奉陪泛舟夜分始归赋诗三十韵是日之宴渤海县尹吴安之以使来具也闰【七月二十一日】有孚

池亭秩芳筵落日船始放晴空散余霞秋水净氛块高荷虽离披尚尔绿弥望褰豁成璧池不碍双桨荡萦纡湛澄碧天宇益虚旷石窦来惊湍松堤俯新涨鼎立洲屿连沿洄时一傍钉铰罗珍羞倾倒出奇酿侑以二名姬朱弦倚清唱凝云响空翠幽禽或翻■〈亢羽〉所愧杯行迟负此百川量须臾羣动息露气白沆砀洒然毛骨轻不独情绪畅灯火空蒙中仿象江湖上

陋彼西园游飞盖何冗长云胡渼陂行亦复怯风浪而我方扣舷冯虚恣摇荡吾兄严郑流高节张邴亢少饮如醉翁浮此斋画舫颇恨交游稀每每折辈行遂令子弟间日侍屨与杖楼船忆当年乐事炊一饷望洋失所操伏枥今在鞅静言校畴昔所得多所丧与从天上人何似山中相但恐时易失俯仰异欣怅银汉浅且清神槎喜无恙人生贵适意前修语非妄榜人报更阑列宿光荡漾故旧东海头何当剡溪访

可翁和

胶荣四十年弛担甫天放虽云在入境心遠絕尘块况兹游骋地秋色入四望卉木已向荣云水自相荡窓虚得山多台高知野旷清泉来汨汨节制无暴涨何须过前川园有花可傍玉舫荐肥羜银漉注新酿时贵孺子歌底用小海唱龟鱼共游泳鸥鹭来翻■〈亢羽〉并介亦何常小大各有量子房屈圯下高祖隐芒碭君臣倏际遇功业惊洽畅挺然三杰中奋乎百世上一朝事辟谷身外物皆长乾坤任俯仰形骸贵放浪万事云悠悠一笑天荡荡鶚谢累百荐龙戒上九亢人生几两屐芒屨乃两舫徒令方寸心戚戚复行行吾年今如此出入必扶杖故人念衰老千里牲酒饷自鼓烟波柁永税尘俗鞅境胜梦俱清位失道未丧谁言管城子初非食肉相兴来使陶写形容豁惆悵苦吟尚作崇乐饮不为恙学易免大过勿药喜无妄厌厌詎可极明河月溶漾庶足充淹留何如李公访

桢和

谢事居山林居隐言不放幕天豁苍苍席地从块块魁然保身哲肯作延颈望舟从范蠡游谁复求冝荡酬欢酒有时度德官无旷方沼维莫秋清波缩寒涨菰蒲相媚妩鱼鸟自依傍溪友荐新鲫长须沽村酿时闻坝簾鸣三叹应一唱宾鸿方叫羣归燕尚翻■〈亢羽〉有此家山乐不较江海量朝来试柱笏爽气亦何飏清供既已多幽情自足畅虽居城市间宛在羲皇上礼法贵真率服食戒侈长平生事直道所遇非孟浪风景晚舒徐郊野寒莽荡里氓新相知知我匪蹇亢清风动緑漪明月满歌舫竹为君子交梅作丈人行圭塘策枯藤不用锡几杖散步遵微行晚食谢馈饷水濱暂弥楫沙头时棹鞅险语从鬼泣斯文未天丧遥遥东山游复见风流相千仞立巉岩众目骇怵怅清泉与白石膏肓特徵恙踪迹谐四休思虑絕诸妄洗耳就潺湲拭目明滉漾西山景更多佳处时一访

圭塘欸乃集卷上

圭塘欸乃集卷下

（元）许有壬等撰

偕故人赵宽斋胡安礼奉陪泛舟【八月七日】有孚

锦幔高张彩缆收画桡徐动浪花浮招呼版筑沾余酌【时方版筑舟过其下輒遍饮役者】
收拾纶竿作烂游垂柳如云藏一岛小桥成径接双洲洞箫休品江南曲风月难忘赤壁秋

可翁和

骇浪船归百技收回头人海自沉浮幽闲时作荡舟剧疎懒犹能与客游红蓼白苹鸥鹭国清
风明月凤麟洲诸君更约源源会不泛黄花不算秋

桢和

碧天如幕晚霞收觴咏从容胜拍浮去岁已为亭下饮今朝宛在水中游玉杯酒映红云岛宫
锦袍明白鹭洲更看波光涵月影人间咫尺是中秋

雨霁泠然台观山【十三日】有孚

连朝雨云虐今日山却好走马向圭塘忘餐事幽讨拾级崇台云散策芳径草崭岩太行巔隱
约林虑道巘岫纷献奇高低翠如扫平生颇乐山肯信玄髮縞开襟纳浮岚俯檻看飞鸟不有
泠然台孰觉赵魏小

可翁和

轻风水无波落日景逾好冯虚思横生万象困搜讨穷睇眼未花得意诗不草勿谓城郭近下
有往来道心遽地自偏兴来无洒扫收藏千钧弩莫用穿鲁縞悠悠叹浮云翩翩羡归鸟一任
坐井徒哗然说天小

桢和

秋容在新晴风物事事好山色可揽掬诗料助探讨西风响疎林晚烟接衰草前溪有小舟何
处访安道苍苔淨可坐落叶从不扫松下鹤昂藏玄复衣縞西山列画图圭塘富鱼鸟愿进
一簣功直使众山小

记塘上草木二十四首有孚

双桧如双虬天赋形天矫蟠根九泉底挺秀重云表昨夜闻风雷走视宁待晓慎勿变化去须君镇吾沼

七松何山来亭亭此焉萃托根在林塘实与泉脉会人生无百年抚倚成永嘅珍重明堂材我但观偃盖

曲径通池亭有此一堤竹琐碎影摇金璫琤声振玉高歌淇澳诗宛若淇园绿君其亟走鞭主人厌粱肉

亭前四梅树来自江之南易地不易性培植吾所甘调鼎本无心僵木何用惭且图慰幽独松筠成友三

何年植此栢嘉与双桧邻霜雪助孤劲云烟护轮囷叶香来彩凤影曲惊潜鳞服食吾不暇岁晚见天真

文楸如青幢阴覆钓矶湿又如紫盖悬高花间红碧持竿憩其下烈日尔吾冪犹胜析为枰饱食事博奕

屋角有老杏枯枝若枯槎春风一披拂蓓蕾团丹砂董园欲种德花落不用嗟尚忆曲江宴我园同此花

婆娑合昏木枝叶方敷荣卷舒尔无爽栽培吾有情红蕤间层绿团栾若繁纓未能传嘉树且饰鸣珂行

老树冻留根生意今始穿薰风能作花猩红目为眩结实尤可人累累采色绚好是无车马清澈安石院

朝阳香雾里风清露未晞伫立若凝思郁金卷仙衣对之不敢褰冠佩澹忘归何以明高洁圭塘竹日晖

粲粲白玉簪堕自天仙髻幻作奇绝花清香偶兰蕙蛻形冰雪窟脱身脂粉砒云胡不自持终焉茆姜桂

芭蕉叶可爱移根神圃阿题品待诗客未许僧占多茎丝真适用花异奈俗何幽人亦分绿用写考盘歌

鸡冠子甚微造物巧成就植立意欲腾怒长势如斗轩昂自避羣尸乡莫吾购永懷钩天庭絳帟唱壶漏

环池有异茝红压珊瑚树亦有间鹅黄绚烂五色具蔬品尔最微点缀秋独富但恐西风高萎尔在霜露

西蜀神仙花住此圭塘上春深风日暄睡足锦围帐佳人在空谷诗翁有藜杖不须秉烛观吾方税尘鞅

丛条宛如荆作花蜡为胎茅檐曝冬日亦复凌寒开偶以臭味似冒名百花魁绿叶夏可荐寒泉时一杯

郭西雪一株王郎为移栢月明小院春生意孰可遏粉香花渐衰红消实堪掇绕树笑文园何由更言渴

青葱环阶草花发始知萱芳蕙挺孤秀煌煌势如鸾凤兮何德衰比拟或失言主人酌酒罢嬉笑弄诸孙

园丁笑龢俗胜地乃栽桃红霞倏如雨作实偿吾劳化工有深意盛时随所遭易落还易长吁嗟吾二毛

西堤有秣李照夜雪千堆缟裙垂练帨宛若卢家来笑哦韩苏诗耻我筵前罍醉后挂冠卧花神莫吾哈

种菊绕圭塘花发秋欲莫零露沾壶尊清香随杖履我非隐逸人却与花有素行看根入池化作甘谷注

明窓临晋帖驰伉觅来禽栽培日以茂用比双南金但看花实时粲若锦绣林鸟食吾不惜毋令蠹其心

灼灼红罈花扬州佳丽种主人旧使君当阶自培壅忆昔金带围花曾兆荣宠归来老圃中相顾腹一捧

层台秩名品帟幄锦绣张匪徒事富贵花中有姚黄欧尝记洛俗坡亦懷钱塘花于吾有助醉墨洒天香

可翁和

吾家青牛君伯仲龙矫矫不似丁令威暂来立华表鬼神护斧斤风霜几昏晓摩娑左纽文曾见陆为沼

徂徠以多贱吾圃斯拔萃逖从他山移清与幽境会乐天才四十栽尔已兴嘅吾年六十三方

期翠成葢

长公有名言不可居无竹仆仆斲苍苔森森植寒玉声来书幌清阴入酒杯綠何须更晚食此君聊当肉

春风为花魁先路来枝南但怜结成实能酸不能甘世自不可口根在吾何惭年年共雪月华我径三三

苍官昔多事乃与羣鸟邻何如在圭塘亦胜居神困老根已作石霜皮不成鳞不用叹不遇参军能写真

朝来花斩新莫雨坠红湿藤萝助竒观罗帔层层碧昌黎性苦隘政尔褰蒙幕一笑问秋乎还能诲人奕

枯树影在水浮动如仙槎昨日春意闹今朝雪满沙荣悴等儿戲老懷无叹嗟作实助穀核明年还看花

有木知尚时手植日向荣无忿底用蠲聊用寓野情亭亭矗翠葆■〈毛参〉■〈毛参〉散红纓青裳勿异字姑以合欢行

浓綠千万枝火齐中贯穿山人昼眠起银海日俱眩燥笏行可濡寒裂纹玳绡无赋继殷元虚尘翰林院

晓凉振弱体月堕东方晞香涂汉宫额润展华阳衣应朝通明殿金杯承露归道妆岂予媚池影动清晖

司花琢清贞不掬幽人髻蕞尔草堂阴香軋百畝蕙月露映冰壶美芳积磴磴着我沉水乡庭前更丛桂

披披青罗扇敷阴圭塘阿夏窓云影厚秋枕雨声多翰墨聊复尔风霜其若何休教近湖石掩映美人歌

异卉非卵生綏纓殆天就惊风振细叶宛若三市鬪赤帟不烦憎缚卖孰尔购因之记昔年聽声趋待漏

雨后丛甲生俄成寻丈树谁名雁过红彩纈无不具环池烂云锦吾圃□尔富呼酒亟赏之秋光欲寒露

花仙何许来嫣然立沼上香雾冪晓妆蒙蒙九华帟勿令苦幽独就赏时策杖秉烛夜莫归春

去无羈鞅

蜜脾搗薺卜成此佛面胎黃中色可尚況在雪里開盜名匪獨我伏神出芋魁幸無鼎調實聊用侑山杯

園丁功力深春榮到由栱花開月更明溶溶白雲遏紫實待含津囊承躬采掇莫羨邳侯燒且浣長卿渴

人生念慈親堂階多樹萱忽隨靈椿化冥漠俱高騫此忱詎可忘肝摧不能言對花聊自慰白頭還抱孫

昔人避秦亂川源多種桃我幸遇明世栽培胡自勞看花食其實為圃豈不遭疎懶強鞭策猶勝宅不毛

清夜游西園皚皚白雲堆東風苦愛惜不遣過牆來何須領張徹且復傾我壘茲焉不省錄寧免長姬哈

人間隱逸花開發宜遲莫三徑連松陰百繞穿葛履秋容澹籬落寒香入毫素掇英泛濁醪盆甌親挹注

作甘最夏果其奈招眾禽禽啄吾不惜曷酬僦地金呼童日驅護青紅猶滿林禽飽人亦飽于焉獲我心

造物眷花王擇后降嘉種英華得既多加以人力壅楚楚御衣黃遂冠羣芳寵羣芳各有匹勿用矚而捧

開元得四本花本茲焉張眾色各有熊世獨推其黃我非富貴者胡為植圭塘天教風露夜受用一庭香

楨和

雙桧立不倚是謂強哉矯栽培歲月深挺出風塵表正氣凌太虛老翠宜清曉毫宮今何如且復安此沼

竹樹滿池台松乎拔其萃根共土相安心與景俱會撫之足盤桓秦封成一嘅相報爾何速祥暑不張蓋

生平癖好幽所至必求竹特開數畝田種此萬竿玉篩月清影碎出牆新梢綠歲晚澹相看何妨食無肉

圭塘富春意盎若庾岭南策杖时一观忍冻吾所甘自是百花魁岂但桃李惭夜来雪有月照见花两三

池上有两栢风烟为四邻出根坚似石挺质圆如困鸾凤方托宿蛟龙未脱鳞材大为用难何如任吾真

择胜植佳木池边地宜湿化作万庭花先看一庭碧春风播馨香晓雾为蒙幂休羨千户侯富贵剧如奕

仙家杳何许欲访无灵槎春风知鼎灶满树出朱砂明朝成白雪幻化益可嗟一笑勿多语孔坛万年花

舍前植奇树不日见滋荣合欢且合昏有色复有情晴烟荫幢节轻风扬綵纓莫饰黄金勒幽人方独行

爱此安石榴翠樾受红穿照眼眼欲迷烂若火云眩簪拟宫鬟然裁入舞裙绚时见子初成苍苔满深院

园中有黄葵含露待日晞玉人宿醒起澹妆宜道衣戏把琉璃杯西风醉忘归檀心不自揜尽展向晴晖

素娥宴仙家醉归松竇髻遗簪孕作花清芬不让蕙夜凉小窗阴回风转香砒相伴何人斯古香有老桂

芭蕉我所爱移植庭之阿绿章封事少罗扇清凉多秋窗一夜雨繁响如愁何明朝就叶上写我短长歌

有卉如雄鸡赤玉巧琢就不闻长鸣声对立若期鬪众叶方离披千金不可购报晓弗用尔高眠谢更漏

肠胃喜藜苳培植乃成树红紫叶为花青黄天□具矮篱秋意深小园晚景富鸿雁殊未来西风送清露

我爱花中仙时时到池上风破臙脂粒烟作云母帐睡足晓光迟幽人方倚杖何用游西川吾园堪掉鞅

铜切黄金涂中色为胚胎不用较名实俱是东君开幸厕丈人行敢作羣芳魁何妨对磬口时复倾金杯

微雨湿铅华芳妍满槎枿东阑昨夜风飞雪不容遏小圃未阑珊佳实行可掇人生几清明一醉忘饥渴

人生有所寓北堂惟葺萱翠筵裊鹄觜丹葩惊凤鸾芳洁拟兰蕙忘忧复何言宜男更有验常伴竹生孙

武陵不可到吾圃自宜桃作实可立待区区匪徒劳蒸露红缥缈流水红周遭便须酩酊醉万事轻鸿毛

晴云映秣李万事繁如堆苇绡暖日透缟袂香风来摇落亦可人纷飞入尊罍肝胆醉不邪恐为玉川哈

种菊满东篱徘徊风景莫采之不盈握草露湿芒屨无酒只餐英安分行吾素懷哉斜川人停云目空注

嘉果味何甘得名因致禽美质莹如玉朱砂点黄金芳誉留晋帖作贡称文林青李勿相违作诗戒遐心

当阶种芍药美丽非一种红紫鬪娇艳风雨劳蔽壅甘作春光殿乃专众芳宠对花当若何金锤日须捧

花王元富贵造物更铺张列檻红间白擅场紫配黄吾园足花品独尔张林塘今日好风色满天吹暖香

池亭苦雨松竹皆黄书事有孚

惊见黄萎及七松径傍竹亦不能丛怨咨固是小民罪位育谁亏大造功湿气连天云易雨秋声撼地日恒风圭塘草木浑闲事可惜郊原禾黍空【一作挽回生意须开霁晚节冥冥藉太空】

可翁和

谁教淫雨害吾松更偃窓前竹几丛晚景盘桓方取友经年培植已成功坚贞未许移天性光霁行将藉晓风珍重岁寒心事在却凭孤月照霜空

桢和

点缀池塘藉竹松松方挺挺竹丛丛上天何事连朝雨老圃都沦一岁功生意此时须晓日秋声何处又西风岁寒节操谁能易三径伫看青满空

圭塘草木续咏六首【并序】 桢

从父都司先生记圭塘草木诗廿四首句精意足体正法严桢也僭和严押具藁既进而窃有疑焉夫仁人君子之于物虽小大不同所以与进造就之心则一圭塘草木皆先生培植之功草木之获至圭塘亦皆先生进拔之力也然有不得在吟咏之列者岂非以圭塘唱和尝及之耶抑亦有所遗忘耶梅也松也竹也柳也荷也尝及之矣而梅松与竹今兹又蒙专诗柳与荷不与焉况若槐之植德桑之济世椿之灵寿榆之适用而皆弃之六者有知将有憾也谨续为六诗共前为三十咏僭和之罪伏干宽恕教诲斤正又有望焉

昔人植三槐百世犹青青所贵德充符岂但阴满庭黄花兆举子厚荫生公卿不见王佑家坡仙有堂铭

有地悉栽桑岂但树墙下修条蔽麦陇绿叶茂长夏欲作成都谋敢比齐鲁野老人无赢余衣白乐乡社

我观木有椿何异人而仁仁者必有寿此木宜千春栽培幸成趣佳兆在主人主人信不俗植桂为之邻

我山隰有榆移植圭塘上歴歴近仙家夹道起寻丈春火生青烟晚景尤可尚英也虽无才不似杨花荡

此柳何风流栽插徧庭院才抽绿玉条便散黄金线弱体不胜莺纤腰似飞燕心事如渊明但比五株美

引泉潄为沼种藕才一年红妆映翠盖水晶宫里仙凌波踏明镜捧拥来三千应同娱野逸莫教闲酒船

翁用桢韵

凉飈动空碧修枝振高青张幄却炎晖交阴可中庭不烦位三公政尔宜冷卿南柯莫记梦陋室方为铭

幽人非浮屠日日戏桑下爱其济世余重绿茈朱夏昔贤事游观竹木萃绿野继踵吾不能但入老农社

灵木享遐算异质禀至仁后先八千岁才是秋与春蒙庄发挥后尘世阅几人吾材实樗也赖得尔相邻

托根乡社间逖迹关塞上春英羹万钱大胜食方丈东隅何失之收之敢高尚岁晚澹相看萍

蓬谢飘荡

依依裊长条漠漠迷小院
紫风轻作绵穿露巧如线
不复管别离招莺更留燕
会看成车盖吾圃有余美

华部爱君子移栽未逾年
生意自鬯达主人岂花仙
初日烂云锦靡漫知几千
远观敢褻玩柳阴维小船

叔和桢韵

高槐殊可爱密叶屯云青
阅市游胄馆过位扬王庭
秋风遄作花植德资墨卿
得意十二街斯语心当铭

树桑五畝中畦流绕其下
逦扬看深春沃若美初夏
愿言敦本心毋使质胜野
勗哉王道成鸡豚乐吾社

圭塘挺嘉植雨露涵深仁
一株尚未老八千有余春
陋彼拥肿樗娛我逍遥人
托根况得地寶树为芳邻

晚年乐粉榆好景更池上
夹道不成篱清阴迤逦丈
改火岁所资食皮何可尚
勿逐春风颠青钱给游荡

春从何方来綠我杨柳院
东风巧亦甚搓条尽成线
愿学柴桑翁幽居乐闲燕
飞絮任为萍樊圃折其美

爱莲比君子凿池忆当年
风月夜光霁静对凌波仙
亭亭叶无数粲粲花几千
花娇叶可制宁诧藕如船

忆梅【十二月四日风雪大作时在陵州】有孚

为忆圭塘四树梅不知别后
几枝开狂风恶雪忽如此
嫩蕊疎花其殆哉青女未
能将暖至翠禽端为问安
来归期咫尺春光好慰藉
冰肌有玉杯

可翁和

孤高贞劲爱江梅岁岁凌
寒雪里开疎影在窓虽偶
尔暗香来座本奇哉西园
老子巡檐去东阁佳人觅
句来莫聽高楼风外笛且
教檀板侑金杯

桢和

河北高寒少见梅年年吾圃有花开深红淡白非偶尔对饮狂歌亦快哉京国故人成梦想乡
關驿使寄书来岁寒冰雪相看处却似同持玛瑙杯

不寐有懷圭塘明日遂行【初九夜】有孚

几夜陵州枕圭塘入梦思冻消梅早放春近柳先知涉世元无策还家赖有诗促僮勤秣马诘
旦是归期

可翁和

去我才旬日浑如久别思劣兄恒在念难弟亦还知且饮团栾酒徐观跋涉诗梅边松竹茂好
共岁寒期

桢和

极目乡關遠临风有所思莫疑归太晚祇恐负相知缩地思奇术懷贤和旧诗石鲸流水处余
响付鍾期

十二月廿又二日观雪冷然台城郭山川四顾清爽小儿诵东坡先生聚星堂诗甚习殊可乐
也因忆马明初云往岁德常杜左司尝与诸公和之成巨轴然皆不及一见仆则不敢言和但
对景成兴谨用其韵尔僭越之罪观者恕之有孚

花飞六出乱无叶冷然台上偏宜雪茫茫大地迴无尘渺渺予懷正奇絕山容喜从天际改竹
声时聽池边折相知更有灞陵翁长途不信人踪灭平原饥兔巧踰藏空阔苍鹰饱飞掣小儿
忍冷从吾观楚楚毳裘蒙采纈坡诗诵得聚星堂字字珠玑飞玉屑懷贤抚景慷慨生岁月堪
怜去如瞥丰年但愿太史书故事须从汝南说归来举似宋广平却笑梅花心似铁【时梅皆
冻损】

可翁和

松花仙酿香浮叶卯君醉咏冷然雪停杯抚景诵其诗韵与天花两高絕移床坐对西湖仙捻
吟不觉冰须折恍疑身在瀛海中得句惊寒尘盆灭懷贤未免失自量韞线长鲸溟渤掣天孙
绚烂云锦裳小点难侔江表纈呼童扫付石鼎融调我疗饥云母屑凭高凝睇纵遐观正尔龙
公自飘瞥当时后学俱云亡左司巨轴知何说效顰自笑亦续貂始信心肠非石铁

桢和

朔风卷地飞云叶山川一夕埋深雪冷然台上望眼迷大地茫茫正愁絕西崦深藏茅屋低高
崖寒压松枝折云间日脚漏光垂沙尾山腰互明灭蓑笠渔翁独钓归村馆青旗风飏掣一段

清竒画不成衰颜得酒红如缣书窓忍冻拾枯薪庭除泥泞陈木屑树杪饥鸦晚羣噪平田脱兔时一瞥丰年有兆喜欲颠模写成诗费誉说呼童沽酒当一醉巨笔如椽锋似鐵

圭塘补和【并序】马熙

欸乃既歌之明年熙如京师可行泊桢日侍安阳公觴咏圭塘更唱迭和诗辞凡二百四十有九又明年桢来京师熙始得伏读全集大篇云行短章泉流无非乐日用之常而忧国忧民之实亦未尝不默寓其间也桢闻诗趋庭日有新益而熙乃以抗尘走俗不得与于斯文愧可胜言耶然可行序引有张本同声之说固欲援之入社今虽未至未必峻拒之也于是忘其芜陋勉强补和得诗七十八词八録次左方惟二先生进而教之

水生天一本微阳乐以充阳落此塘伐鼓三声泉破瓮和铃万舌发央央 作乐导水
省事山翁许鹤随燕莺奔命为谁疲情知欸乃多幽事不付樵青付雪儿 携妓落成
出谷迁乔早致身友生求旧复求新不因万树黄金缕肯向园亭漏泄春 柳下闻莺
簫羽曾闻杂袞裳圭塘今见雪凝妆诗家物色无逾尔身与虚舟已两忘 舟中对鹭
轻柔圆浅胜琉璃珍重山人有当卮若刺玉簪成象鼻翠涛虽满不淋漓 荷觴酌酒
少公饮量过三蕉诗思如抽岱岳毫百折翠云题欲徧独留心叶待秋高 蕉叶题诗
凌波万緑可吾床水国风来体亦香焚制裂衣殊未暇从教乡原笑踈凉 荷净纳凉
洞房编药屋编荷八面玲珑得月多谁遣天飘簫云过嫩凉扶我入无何 开窓看雨
露髮云花落绣茵一竿聊复坐忘真大夫亦记当年事风雨中宵念颍濱 松阴独钓
叩友相须欲鼓桡那堪舟子亦招招唤回十载江湖梦云际参差起凤箫 与客泛舟
瓮牖仪刑尽翠岩自移一榻对晴岚山中云出乾坤雨恐有贤书到水南 日夕观山
偶然随柳涉飞桥澹本无心与泊遭落日苍烟横白鸟西山秋色两相高 西堤晚眺
移花尝筑避风台移竹应难就日栽此夕相邀愧泥泞明朝冒雪试重来 雨中移竹
雪后西园路踏沙一枝曾挂酒壶斜只今午夜扶疎影却属山中道士家 月下观梅

洋洋圉圉校人知惭愧公孙独受欺老子临渊非美汝谓予不信质之诗 倚檻观鱼
芳丛种与老仙看春叶秋花不用餐但使幽香入池水年年初度酌甘寒 遶堤种菊
龙孙戢戢乱穿苔道古端由剪伐开不向此中常径造欵门无处可裴回 竹间开径
琴忘流水水忘琴琴水俱忘是我心甚欲囊琴窒流水柳阴趺坐聽希音 水口聽琴
竞物无心每负壶壶能负我亦堪娛偶然中尔成骧箭絕似檀溪跃的卢 独坐投壶
畴陇从衡草树低西山东郭共冥迷若论揽尽源头水合姓洹溪作许溪 登台纵目
水乡红紫尽輿台独尔懷冰犯日开羣玉有诗无乃戏卷云须办雪千堆 调白莲始花
欲擎骚乡木末莲绕池分种待秋妍都緣错把东风怨花似寒灰不复然 调木芙蓉不花
奇章三品藐巍巍艮岳将军视赐绯何似野栖娛退傅苔为冠履草为衣 调湖石
春纖无力发弦轻助以半天风雨声诗客凌云浑未觉六经心醉有余醒 聽箏

可翁酒间口号

塘肖圭乎圭肖塘几人勇退水云乡韩优白劣都休较凛凛清风不可忘

桢侍饮圭塘

相下耆英继洛阳诗如赵璧责秦偿二难独擅文章气一字不随时世妆洗雨芰荷方出色充
庭芝树亦生香黄尘乌帽予多愧不共尊前此夕凉

可翁太常引四首

园池多在魏公时盛极自然稀天遣可翁回要扶起台倾榭欹
圭塘如此藕花无数一笑领翁诗帝里不须期怕鞞似三司面皮

园中风物水中亭消得两娉婷浊酒卷荷倾早洗尽箏声笛声
四堤晴柳一天花气付与晚山青飞絮挟云轻任膝上瑶琴自横

穉红酣日照修筠光景一时新万扇却游尘看出浴温泉太真
榜中龙虎班头鸕鹭无复困冠巾花亦识天民问身到黄扉几人

露桃云杏不胜秾合让水花红别种出林东为冰雪相看改容
洹堂双瓮此时千叶愁絶閤珠宫贮酒待吟翁念畴昔时来一中

可翁圭塘独坐四首

投老归欤屡有年西南况复罢筹边且容独乐着司马何必五湖追计然激浊扬清勤渫井任
轻求重懒芸田悠悠此意谁能会唱入渔家傲四篇

近日征商法不廛谋生径欲买村烟有钱得酒亦种秫无锦可裳仍集莲和露任夸桃树闹因
风不禁柳花颠漫郎心事歌能写乐句从知在此舷

园池多胜事有间即逍遥祛暑衣蒙葛挥尘扇却蕉波光摇屋角树影转廊腰何事西窗外青
山不受招

水阔怜亭小堤回觉路长烟霞邻道院花木胜禅房汉狗烹韩信秦鸡脱孟尝客来如语此未
免浣吾塘

可翁漫书

紫阁三年梦圭塘万古心卓亭仍就日塞向欲排阴世路茫茫阔天机袞袞深倡酬诗百卷谁
遣到鸡林

可翁有舟

勿谓吾舟小轻于太乙莲能容茶煮灶更载酒如川有分投闲散无心咎蹇连若教仍济险须
问水中天

可翁大雨两昼夜僮报墙仆而竹茂

床床屋漏苦无干一夜周垣被水漫生意尽归丛竹底涉园须待日三竿

可翁雨后观竹有墜垫摧折者

雨前栽尔地犹干急雨排墙尔遽漫愧尔苍黄类夷甫未能忍死待鸡竿

可翁新秋即事

秋声无适莫一夜入松關不待歌商颂先期赋小山闲情凭緑绮机事失黄间望断云林鹤驰
书久未还

可翁秋阴

萤飞犹恶湿鹄噪未闻干栽竹心逾远浇桃兴已阑有坊邻履道无路达长安欲和阳春曲词华愧二难可

翁渔家傲四首

香雾空蒙烟缥缈青归林木先从杪若采芳洲繁采沼花事悄幽情聊复忘鱼鸟
鸟倦知还亭月老鱼安浅碧吹斜照鱼若有言求直钓秦吉了也应能唱渔家傲

八十邻翁头似葆为言环翠埋荒草不似圭塘风物闹清昼好来遊往往逢郊岛
细浪粼粼风袅袅柳丝柔直荷钱小鳬短鹤长无用较舟可棹扣舷重和渔家傲

凉入槐阴门巷杳秋容次第归苹蓼潦尽波寒亭影倒征雁早一声唤起江天晓
菊外白衣殊未到沙堤留得西山眺何事木莲花独少诗与调倚风仍度渔家傲

池上水枯垠岸峭池边雪霁无行道三岛遥遥心欲造舟子诮拏舟恐受坚冰笑
遵渚一鸿方矫矫告饥双鹤从形槁吾亦安能充尔操惟善寶岁寒歌彻渔家傲

可行瑞莲歌

休官林下堂名洹观鱼今又师乡贤轩前未暇植他物清漪万顷花开莲凌波仙子弓袖湿御
风毛女云鬟髻就中一朵特献瑞蕊岐蒂并房仍连里人传绘笔几秃羣宦趋庆门应闾三陈
秉轴昔接踵二宋射策尝同年当时岂无草木祥水花未必曾司权平舆施厚报未食相台双
桂宜光前岁寒劲节各挺挺传家经笥均便便伯兮勲业在庙社用藏功敛安受廕季才本是
栋梁具胡不领袖稅与椽登庸便合踵旧辙天公有语令花传洹堂嘉祝又继出庆源袞袞逾
渊泉阶庭连理见玉树合欢不但瓜绵绵嗟予病减诗复病探囊试药犹未痊诵公新句弗克
和饱观红日酣平川

可行对景书懷

池上坝簾协四通毋劳锺木互撞攻诗生流水行云外在光风霁月中路到迂时因避竹垣
从垝处更培松世间何地无鱼饭此日委蛇胜自公

可行睡起偶成

园池择胜似江乡蕉鹿何妨尔汝忘不是扣舷歌欵乃更从仙枕觅山房

云入茶瓯自在行风生竹牖更多情石渠近日添新雨膝上横琴聽水声

可行即事

载书逾十乘储酱乏千缸竹影明窺户荷香晚度窓对山方目击见客又心降落日层台表苍烟白鸟双

可行雨后督修堰归坐嘉莲亭

谢政从翁懒持家有弟勤凿池通活水筑岛驻行云柳外渠穿石荷边路迫瀆亭台全尚象花竹间成文月毕秋仍早星虚气未殷霖淫宁有节泽洞遂无垠画舫斋居士黄楼赋卯君水平池见岸雨歇日穷曛竹垫芽新濯鱼飞尾旧焚计庸书载具犒役酒仍醺境顺多逢坎时艰好策勲一劳知永逸万事付无闻折简常招客裁诗足张军树容黄鸟并屋让白云分人乐宜居独天谋欲涣羣明朝又兴作菊径荷锄芸

可行乡友具

宴石溜穿渠■〈彳 𠂔〉■〈彳 𠂔〉鸣眼中幽事总關情故人载酒不辞醉好鸟隔花空有声但使轩扉常款客不妨松菊屡寻盟西风瘦马长安路说与山灵笑絶纓

可行侍兄赴圭塘

年来梦断凤池坊云影天光有此塘夜饮不辞归路遠晨兴更觉揽衣忙桑麻莽苍接平野机杼咿哑闻隔墙忽有好诗生马上眼明双桧拂云长

可行宴罢泛舟三十韵

仙舟夫何如快逸且奔放蒲帆濯沆瀣桂棹却氛块西塞辞玄真甫里谢鲁望秋云与飞扬春波恣摩荡济人功已敛横渡职非旷愿陪山翁游况值新雨涨荷深知渚阔花虚见云傍乡间速佳宾渤海致名酿影摇双桧舞声发半天唱柳莺续纒余松鹤助翺■〈亢羽〉滔滔剧川吸湛湛豁陂量光迎东月皎气挹西顛矚联句交弥月请序接文暢吾将出方外彼亦可舟上空虚名共逃俯仰物无长犹存一钓竿欲破万里浪霆轰彭蠡泽风击黄天荡又虞险难乘或致身弗亢不如谢蒙冲聊复娛此舫旅酬宾主席各逮子侄行全交忠罔竭寻盟信可杖使乎杯勺免翁以鸡黍饷神龙岂容豢天驥俄脱鞅醒醉既两忘宠辱亦俱丧茫茫迹大禹表表州古相休逸犹可追观鱼已堪怅更长幕无乌月黑草有恙孤蓬憩双桡一梦絶诸妄明当泝沧浪高歌航汉漾仍究圭塘源乘槎洹水访

可行偕故人陪兄泛舟

红衣落尽渚莲収容得虚舟日夜浮二客从予非漫与一尊邀子助清游偶然憩息来三屿从此翱翔到十洲欲赋棹歌成慷慨澹云疎雨不胜秋

可行登泠然台观山

林虑山本奇台上观更好宛如武库开事此军实讨千矛插层空万戟立荒草弓戈纷委地盾剑光夹道端能愁城攻亦可诗阵扫佳人澹相对纶巾照云缟緬懷湘水湄衡岳配朱鸟惜无泠然风笔□祝融小

可行记塘上草木廿四首

亭前双桧立枝曲能自矫譬如直谏臣抗论犯天表气含芝术春节砺冰雪晓丹井有余波挹彼注兹沼

岁寒抚青松观此物情萃不有蛟龙形孰当风云会宁随陶径菊日以荒自慨不愿污秦封为作擎雨盖

移家傍洹溪辛苦尝为竹植之永为好寸土如寸玉逝从簣笻僵化作渭川绿中有凤笛材清音胜丝肉

昔年探梅花携酒过水南今兹对池上嗅香当清甘楚骚虽见遗吾林亦何惭但恐和薰晚顷筐实余三

柏寿以世计当与太初邻铜柯既盘盘黛叶仍囷囷雄姿挟龙虎奇文间纖鳞岁晚同□操甚知丈人真

河济富千树性本乐卑湿钓矶有余地借尔油幢碧繁霜剥其阴忽若尊举冪致身安乐窝犹能大观奕

杏园千树春年年送仙槎如遇黄扉人飞雪漫堤沙移根文兹土开晚慎勿嗟但愿世其文常观曲江花

有木枝叶繁葳蕤蔽前荣作止每因风离合非其情名器不可假假尔一就纓为尔解蠲忿示我亦周行

若榴屯于春入夏气乃穿花能醒醉眼实可清暝眩点红亦何心要作浓绿绚但为宜男房煌煌照庭院

黄葵本高洁值此湛露晞峩峩切云冠飘飘六铢衣中色足自媚吾将田园归佳人殊未来忘言对斜晖

遥怜章甫冠赠玉簪我髻终当衣制荷未可帐空蕙茉莉如搔头配尔香磻磻胡不来中州而

乃宅八桂

甘蕉本灵苗斲根出崇阿狂僧万犹少道士一已多中霄听风雨诗富叶如何茫茫梦中鹿倚窗聊寤歌

秋花蠹鸡帨纓武凡几就蹙锦岂欲鸣碎丹或能鬪新诗继欧梅已受贾人购謇予乏雄辞雌伏愧屋漏

呉兴菰白苧欲以清自树此种备五色充庭当家具叶披锦云乱实粲玄珠富霜陨不足惜明年有春露

衔子定黄鹄孰谓来海上紫绵飞莫帘缣晕点春帐照妆待银烛追香负筇杖明当走昌州尔勿断予鞅

春风何许来孕此黄玉胎蜜脾不自□磬口何由开以貌可梅仆论香亦花魁风味极不浅吾当举深杯

天公琢琼瑶一夜缀萌蘖遂令东阑雪不受薄寒遏淡妆何用洗落英犹可掇安得钉坐人相与浣尘渴

主妇治北堂所植惟贵蕙抗叶惊四垂擢英喜孤寡嵇合叙其功无乃成卮言当持忘忧训问我叔重孙

何彼秾秾花浩歌园有桃阳和不择地人力宁施劳旧植各天涯或又玄都遭惟尔足佳实羞之配溪毛

园林澹泊春有此冰雪堆赤日照未好月夜须重来逝将濯其根致之洗与皤颜色勿惨惨恐为梨所哈

秋容为谁妍白衣来何莫不惜尊中酒恐负篱下履霜风扫頰紫星月照黄素采采晚节香美人意方注

花高枝满蝶实老田有禽风日不贷春吾囊已无金谁将□讹豕致尔来为林不有右军帖畴能沃吾心

尝征广陵花腰金本无种其当异人出嘉瑞不可壅西园有分根新雨荷天宠愿披家庆图觞为吟伯捧

知花在根櫟培养异弛张媒暖寘丛棘穴蠹簪疏黄主人本无心聊复云影塘端诵康节语辅

车有余香

可行松竹皆黄

淫雨为灾及穉松黄萎又见竹身丛徒能医俗不自疗谓可引年宁有功外直尚持君子节后凋终继烈臣风人将大任多穷困其孰知之惟太空

桢圭塘草木续咏六首

面槐余十年老眼冷复青萌蘖迸春雨一一硕且庭平生迈种德不但保彦卿我将茹其花高诵休哉铭

国礼严公桑葢以勤率下采采为蚕供衣被溥夷夏何年树独乐花竹共秀野当令有余帛足办里中社

惟木首五行实配四端仁椿又木之首配时为孟春春当岁八千此语闻蒙人仁者必有寿老境愿卜邻

仙家榆尚白歷歷种天上此地敏其青豪末起十丈芄蕘抱美材胡为食弗尚戢戢风雨栽生意尤浩荡

杖履迷柳边无乃似归院不如棹孤舟沿堤缆其线朝絮粘露蜂夕条栖雨燕与物同至和天恩殊曼美

菡池得枯荷敛迹不记年一朝出淤泥亭亭水宫仙遥怜构巢龟欲问岁几千便当从太一暂借红叶船

圭塘欵乃集卷下

圭塘欸乃集跋

相为中原名郡自昔多达官贵人之居宋庐陵欧阳子为丞相韩魏公作昼锦堂记人到于今称之由魏公而下虽怀黄曳组世不乏人求官簿问望政事文章一切烜赫于时功成身退又能归享太平之乐者则亦寥寥如也御史中丞安阳许公以经术起身致位尊显卓为一代名臣晚归相城视听不衰辟园作室引流种树日置酒赋诗为娱乐清风雅致照映后先欧阳记所谓少擢高科仕宦至将相富贵归故乡筑堂营圃作诗以遗相人一一皆似为公言者始知魏公之后继其美者未必无其人也然则圭塘昼锦之名当相为不朽于相矣若夫公制作之妙天下人人知所矜式旧矣是集又若老将用兵百战百胜而从横变合无不如意顾区区者何足以窥其营垒也哉学生汴段天佑再拜跋

安阳公以道德文章名重一世及功成身退相羊云水之间与松竹居鱼鸟游暨其弟若子更唱迭和金石相宣若身在六合之外遑乎不与世接其贤过于人远矣哉公于溥为父执都司君长溥年事之若兄国子楨少溥年接之若弟往者尝拜公于堂侍都司君于客次揖国子楨于大门之外未尝不倮伛侧辟俯而服仰而叹也圭塘康氏之废园也当其废时过者不视牛羊萃焉庸讎知今日之遇乎凿之薶之筑之树之挈子弟而招佳宾圭塘遇矣庸讎知后世之传乎非公则圭塘不遇圭塘之传则有頼于欸乃也与至正庚寅孟冬望后二日晚进龙门周溥顿首再拜谨跋

唐国子司业杨侯以年满七十白丞相去归其乡朝之公卿士庶共称其贤昌黎韩子有文以传于世世以为美谈御史中丞相台许公以年老亦白大夫而去当太行之麓洹溪之濱得地数十亩筑亭凿池深广有度树以松竹杞梓种以菱芡夫渠水緑掩映虽极人力每云收雨止层峦献翠活水分清俨若天鍾其秀公率子弟或舟楫或杖屨荡扬乎清流徙倚乎亭之左右更相唱和殆无虚日有欸乃一集鸣于时不知杨侯之去有是乐否今世士大夫宦遊中外老归于乡者有之矣得山川之胜而燕游者则鲜也得山川之胜而燕游者有之矣弟若子俱能文辞者则鲜也公以明经擢上第致位廊庙佐天子出政令几三十年膏泽被于民物者固多诸福之美萃于一门天之施于公也实厚相之人凡出处去就一以乡先生为法是集之鸣也益着众所谓贤者又不得専美于昔矣至正辛卯冬至前五日诸生哈喇岱再拜

山川景物因人而胜因文章而传人品既高文足范后山川景物之得所托而传于久远也可必矣中执法安阳公归乡里作圭塘位置之巧泉石之胜松竹荷柳之繁亭台桥舫之具西山如画公于良辰美景挈子弟招宾朋觴咏其中宛然香山池上也观物赋诗殆无虚日积久成宏圭塘之胜遂闻四方制作之精人愿矜式不然则圭塘虽美孰能尽知至正庚寅夏文升过相州获拜公于里第陪杖屨一游来京师日奔走思昔陪侍恍若梦寐癸巳莫春至鲸川访尚书积素成先生邂逅洹濱御史于余清轩中适二公对方册谈论驩洽文升从傍窃观则圭塘唱和集也思得挂名集末岂不荣幸遂领归旅邸而手钞之自不愧其字画之荒恶也谨以归于洹濱为后游张本云孟夏天台丁文升拜书

卫之诗有咏歌夫硕人之寛而着于国风者考盘是也有以父子兄弟一家而皆善于诗者三

曹是也然而考盘之乐美矣徒托诸他人之咏而见三曹之诗多矣而其私情中纷嫌隙相逼不能以尽夫忠厚和平之乐是皆得于天者或不足于人有其文者或不足于实于是而知中丞公兄弟子侄圭塘唱和之章从容怡愉之思盖古今所仅见者也中丞公世家相州相州卫地而三曹之旧都也中丞公与其弟都司君皆以蚤擢高科仕宦中外未尝少休于家所谓园林池榭之胜优游野服之乐徒形诸怀想而寄诸渺茫一旦兄弟同得以遂其情焉则其同气相亲同德相与发诸歌诗词韵之间自将宫商相宣金石相和大篇短咏交唱迭和有不能已矣然则卫地之诗此非尤备尤善于前人乎虽然发言为诗声之和也兄弟既翕家之和也以和兆和将见如欧阳公所谓园间之草木有骈枝而连理禽鸟之翔集者不争巢而栖不择予而哺岂特可称于高阳许氏之东园哉临川黄昇敬书

昔宋张文定公齐贤举进士仕太宗朝不十年拜相致政归洛阳得裴度午桥庄凿渠通流栽花植竹日与故旧乘小舆携觴游钓尝赋诗曰午桥今得晋公庐水竹烟花兴有余师亮白头心已足四登五府九尚书今观御史中丞安阳许公谢事归以赐金得康氏废园于相城之西剝辟朽壤翦焚榛蕨凉台燠馆古木诡石间厕隱显复凿池如桓圭形号曰圭塘公野服萧散乘櫂輿时与畸人静者偕其弟若子觴咏其间摅幽发粹更唱迭和金石锵鸣累巨帙题曰圭塘欸乃公之弟可行时为南行台监察御史与公皆以名进士显宦中朝清节雅望辉映后先子楨复以门功起太祝供奉玉堂其悬车之乐视文定公宜不多让而风流文采萃于一门盖有文定公所不能及者谨拜手题卷末识叹慕之私云诸生镇阳张守正

右中执法安阳许公欸乃集一帙观其所载园池之胜遊赏之乐无非所以形容太平之风致至于更唱迭和金石相奏而律吕相宣乃与其弟太常君泊子楨供奉出于一门昆季之贤并羣从之才俊有非他人之所与明时国家人才之众多教化之隆洽因是而可以槩观焉金台王翰谨跋

至正癸卯余奉使岭南丙午自琼儋回届相时太常礼仪院使许公可行奉旨来尹相省故园之乐也余亦忝列兵曹得陪许公于斯一日得阅公曩侍兄集贤大学士可用公泊侄元干賡唱圭塘集嗟夫人家孰不愿一门父子兄弟忠孝之全德学之备荣宦之隆哉造物有所仅吝亦人积善未周弗昭于时矣若斯数者许门之乐全矣呜呼公今之来松楸恪恭田园得意复缮圭塘修荣丛桂对西山而酬兴临清流而赋诗相知栖鸟适趋芳径策杖从容且歌且乐轧圭塘之旧发潜德起幽光遂平生之高志乐好景黄花若韩魏公胡子山王西溪各贤不独專美于往而许公一门躋高风于后诚不多让矣若夫麟阁勋名玉堂旧业公无梦矣余何人哉得密迹于圭塘耕耘也耶浚仪王国寶拜

圭塘欸乃集题诗

至正甲辰诸生书于大都南城之寓馆赵恒

细读圭塘唱和诗流风余韵想当时东山丝竹闲方得北海樽罍老更宜乱后池台浑索寞梦中松竹亦参差櫓輿不晚归粉社愿校园丁□旧基

中书左丞安阳许公洎弟太常文章政事名满天下每尝想慕风采至正甲辰愚叨掌故得亲太常公一日出示圭塘唱和诗集乃左丞致政太常以南台御史还家兄弟暇日燕集圭塘亭榭时所作也一唱一和珠玉辉映奉读之余则贤人君子棣华之乐可想也遂成俚语一章用赞万一云陆焕然

宰相归来致政时圭塘唱和类埧簏好山好水天开画难弟难兄日赋诗酒竿每从花坞设钓舟时傍柳阴移景因人胜千年下緑野香山未足奇

圭塘欵乃集跋

右倡和集一帙江湖友人躬錄而裝潢者二十八年矣南归展读中虽无恙而外皆破碎可怜况兵后所存唯此本尔乃力疾补葺遗我子孙永收翫上章涪滩歲夏四月初吉洹滨识